

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj : 55/18

Sarajevo, 22. 6. 2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 55/18 od 12.06.2018. godine, u postupku javne nabavke br. 55/18 „ Čelični limovi “, donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 1050-14 od 01.06.2018. godine i ugovor za javnu nabavku roba : „ Čelični limovi “, – tender broj 55/18 dodjeljuje se ponuđaču : „ **Ferhem** “ **d.o.o Lukavac**, ponuda broj 1050-14 od 01.06.2018. godine, za ponuđenu cijenu od **76.974,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „ **Ferhem** “ **d.o.o Lukavac**, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 55/18 od 14.05.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 100.000,00 KM.

Obavještenje o nabavci broj : 247-1-1-99-3-184/18 poslato je na objavljivanje na Portal javnih nabavki dana 14.05.2018. godine, a sažetak obavještenja o nabavci objavljen je u Sl. glasniku BiH broj :32. od 18.05.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017.g., Rješenjem br. 23-02-01/18 od 23.02.2018.god. i dopunskim Rješenjem članova komisije br. 55/18-1 od 04.05.2018. godine.

Komisija za javnu nabavku dostavila je dana 15.06.2018.g. Preporuku o izboru najpovoljnijeg ponuđača broj 55/18 u postupku javne nabavke roba : „Čelični limovi “, tender broj 55/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 3 (tri) ponude – " Ferhem" d.o.o Lukavac, " Euro Metal" d.o.o Doboj Jug i " Treasure " d.o.o Zenica

- Da su blagovremeno zaprimljena : 3 (tri) ponude – " Ferhem" d.o.o Lukavac, " Euro Metal" d.o.o Doboj Jug i " Treasure " d.o.o Zenica

Da nije bilo neblagovremeno zaprimljenih ponuda

Nakon izvršenog otvaranja ponuda Komisija je dana: 05.06.2018.godine, pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „Treasure“ d.o.o. Zenica ne ispunjava zahtijevane tenderske uslove prema obliku u smislu pripreme ponude. Konstatovano je da dostavljena ponuda nije čvrsto uvezana na način kako je to zahtijevano u tački 17.1.1 tenderske dokumentacije „Čvrsti uvez ponude“.

Naime, ponuda ponuđača „Treasure“ d.o.o. Zenica je dostavljena u plastičnoj fascikli, čiji su listovi uvezani heft mašinom (heftaricom), te ponuda nije osigurana jemstvenikom niti je ukoričena u knjigu a što je zahtijevano tenderskom dokumentacijom.

U tački 17.1.1 tenderske dokumentacije „Čvrsti uvez ponude“ je jasno definisan pojam „čvrstog uveza“ i to : „pod čvrstim uvezom podrazumijeva se ponuda ukoričena u knjigu ili ponuda osigurana jemstvenikom“.

Na osnovu navedenog, konstatovano je da dostavljena ponuda ponuđača „Treasure“ d.o.o. Zenica nije čvrsto uvezana, te ista ne ispunjava zahtijevane tenderske uslove prema obliku ponude (uvezivanje u čvrsti uvez), te se kao takva odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Komisija je utvrdila da dostavljene ponude ponuđača „Euro Metali“ d.o.o. Doboj Jug i „Ferhem“ d.o.o. Lukavac ispunjavaju zahtijevane tenderske uslove prema obliku i potpunosti u smislu pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„Euro Metali“ d.o.o. Doboj Jug	„Ferhem“ d.o.o. Lukavac
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA

RB	Zahtjevana kvalifikaciona dokumentacija	„Euro Metali“ d.o.o. Doboj Jug	„Ferhem“ d.o.o. Lukavac
2.	Tačka: 14.1 TD: Izjava o ispunjenosti uslova iz člana 47. stav (1) tačka a) i (4) Zakona o javnim nabavkama – Aneks V; Prilog 4.	DA	DA
2.1	Tačka: 14.1 TD: Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalentnog odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Komisija konstatuje da ponuđači „Euro Metali“ d.o.o. Doboj Jug i „Ferhem“ d.o.o. Lukavac ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana dokumentacija/aneksi-prilozi	„Euro Metali“ d.o.o. Doboj Jug	„Ferhem“ d.o.o. Lukavac
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	Tačka: 16 TD: Obrazac za ponudu – Aneks II; Prilog 1.	DA	DA
2.1	Tačka: 16 TD: Popis dokumenata uz ponudu koji čini sadržaj ponude – Aneks II, Prilog 1.	DA	DA
3.	Tačka: 20 TD: Obrazac za cijenu ponude – Aneks III; Prilog 2.	DA	DA
4.	Tačka: 31 i 36 TD: Naert okvirnog sporazuma - Prilog 7.	Dostavljen ali je ponuđač izvršio ispravke u članu 2. koje nisu urađene u skladu sa zahtjevima tenderske dokumentacije	DA

RB	Ostala zahtjevana dokumentacija/aneksi-prilozi	„Euro Metali“ d.o.o. Doboj Jug	„Ferhem“ d.o.o. Lukavac
5.	Tačka: 31 i 37 TD: Nacrt ugovora o javnoj nabavci - Prilog 8.	DA	DA
6.	Tačka: 43 TD: Povjerljive informacije – Prilog 6.	DA	DA

Pregledom ponude ponuđača „Euro Metali“ d.o.o. Doboj Jug, konstatovano je da je isti u svojoj ponudi vršio ispravke koje nisu uradene u skladu sa zahtjevima iz tačke 17.1.5 „Ispravke u ponudi“.

Naime, ponuđač „Euro Metali“ d.o.o. Doboj Jug je u članu 2. „Nacrta okvirnog sporazuma“ izvršio ispravku datuma objave obavještenja o nabavci na Portalu javnih nabavki.

Navedena ispravka nije urađena na zahtijevani način odnosno ista nije potvrđena potpisom ponuđača i nema datum izvršene ispravke, te time ponuđač „Euro Metali“ d.o.o. Doboj Jug nije postupio u skladu sa tačkom 17.1.5 tenderske dokumentacije „Ispravke u ponudi“ koja određuje da ukoliko ponuđač vrši ispravke u ponudi, iste moraju biti uradene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke.

Obzirom na navedeno, Komisija je utvrdila da ponuda ponuđača „Euro Metali“ d.o.o. Doboj Jug, ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Komisija konstatuje da je ponuđač „Ferhem“ d.o.o. Lukavac dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da ponuda ponuđača „Ferhem“ d.o.o. Lukavac ispunjava zahtjeve u pogledu opisa predmeta nabavke i tehničke specifikacije.

Takođe je konstatovano da je ponuda ponuđača „Ferhem“ d.o.o. Lukavac potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „Ferhem“ d.o.o. Lukavac konstatovano je da u ponudi ponuđača „Ferhem“ d.o.o. Lukavac nema grešaka računске prirode.

Konstatovano je da ponuđač „Ferhem“ d.o.o. Lukavac nije dostavio Potvrdu o primjeni preferencijalnog tretmana.

Ugovorni organ dodjeljuje ugovor na osnovu sljedećeg kriterija: najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Ferhem“ d.o.o. Lukavac iznosi **76.974,00 KM bez PDV-a.**

Komisija jednoglasno daje prijedlog Ugovornom organu da za nabavku roba: „Čelični limovi“ - **tender broj 55/18**, donese Odluku o dodjeli ugovora ponuđaču: „**Ferhem“ d.o.o. Lukavac**, broj

ponude :1050-14 od 01.06.2018. godine, čija vrijednost ponude iznosi : 76.974,00 KM bez PDV-a.

Pouka o pravnom lijeku :

Protiv ove odluke može se izjaviti žalba, najkasnije u roku 10 (deset) dana od dana prijema ove odluke.

Dostaviti :
- Ponudaču
- a/a



v.d. Direktor

Azra Muzur

Azra Muzur, dip.inž.građ.

Belica J.
Muzur